



ADVANCING
PUBLIC
TRANSPORT

მოდრავი ქალაქი

თანამედროვე ქალაქის ფუნქციონირება გამართული საზოგადოებრივი ტრანსპორტის გარეშე შეუძლებელია. სწრაფად განვითარებად თბილისში ყოველდღიურად ათასობით ადამიანი გადაადგილდება სამსახურში, სკოლაში და სხვადასხვა დანიშნულების ადგილას.

თუ ეს ყველა მგზავრობა კერძო ავტომობილით განხორციელდებოდა, ქალაქში მოძრაობა მნიშვნელოვნად გართულებოდა. საზოგადოებრივი ტრანსპორტი ამცირებს ქუჩებში ავტომობილების რაოდენობას, ამარტივებს გადაადგილებას და ზოგავს დროს ყველასთვის – მათ შორის იმ ადამიანებისთვისაც, ვინც კერძო ავტომობილით გადაადგილდება. მოწესრიგებული საზოგადოებრივი ტრანსპორტი ნიშნავს ნაკლებ საცობებს, პროგნოზირებად მგზავრობას და ქალაქს, რომელიც უკეთ ფუნქციონირებს მისი მაცხოვრებლებისთვის.



სუფთა ჰაერი

ჰაერის დაბინძურება მრავალი ქალაქის, მათ შორის თბილისის, ერთ-ერთი გამოწვევაა. ავტომობილებიდან გამოყოფილი გამონაბოლქვი ჰაერის დაბინძურების ერთ-ერთი მთავარი წყაროა და უარყოფითად მოქმედებს ადამიანების ჯანმრთელობაზე.

საზოგადოებრივი ტრანსპორტი მნიშვნელოვნად ამცირებს ჰაერის დაბინძურებას, რადგან ერთი სატრანსპორტო საშუალება ერთდროულად მრავალი მგზავრის გადაყვანას უზრუნველყოფს. თანამედროვე, ეკოლოგიურად სუფთა ავტობუსები და ელექტროტრანსპორტი ნაკლებ ზიანს აყენებს ჰაერის ხარისხს.


საზოგადოებრივი ტრანსპორტის უფრო აქტიური გამოყენება ხელს უწყობს სუფთა ჰაერისა და ჯანმრთელი გარემოს შექმნას ყველასთვის.

კანაუტის რაზვა

ტრანსპორტი სათბური გაზების გამოყოფის ერთ-ერთი მთავარი წყაროა. საზოგადოებრივი ტრანსპორტი ქალაქში გადაადგილების ერთ-ერთი ყველაზე ეკომეგობრული საშუალებაა.

საზოგადოებრივ ტრანსპორტს ერთდროულად მრავალი მგზავრი გადაყავს და თითო ადამიანზე მნიშვნელოვნად ნაკლებ ენერგიას მოიხმარს, ვიდრე კერძო ავტომობილი.

საზოგადოებრივი ტრანსპორტის გამოყენების ზრდა ქალაქებს ეხმარება გარემოზე ზემოქმედების შემცირებასა და კლიმატის დაცვის მიზნების მიღწევაში.



ეკონომიკის გაძლიერება

საზოგადოებრივი ტრანსპორტი მნიშვნელოვან როლს ასრულებს ეკონომიკის განვითარებაში. ის აკავშირებს ადამიანებს სამუშაო ადგილებთან, განათლებასთან, სხვადასხვა სერვისთან და დასვენების შესაძლებლობებთან.

სანდო სატრანსპორტო სისტემა ხელს უწყობს ბიზნესის განვითარებას, ტურიზმის ზრდას და ქალაქის სხვადასხვა არეალთან მისაწვდომობის გაუმჯობესებას.

ადგილობრივი სამუშაო ადგილები

საზოგადოებრივი ტრანსპორტის სექტორი ადგილობრივ დონეზე ერთ-ერთი ყველაზე დიდი დამსაქმებელია. ეს ნიშნავს, რომ ამ სფეროში დასაქმება პირდაპირ აძლიერებს ქალაქის და ქვეყნის ეკონომიკას. მეტიც, კვლევები აჩვენებს, რომ საზოგადოებრივ ტრანსპორტში შექმნილ ყოველ ერთ სამუშაო ადგილს კიდევ ოთხი სამუშაო ადგილი უკავშირდება ეკონომიკის სხვადასხვა სექტორში.

საზოგადოებრივი ტრანსპორტის კომპანიები ქმნიან განსხვავებულ სამუშაო პოზიციებს როგორც შედარებით ნაკლებად კვალიფიციური, ისე მაღალკვალიფიციური სპეციალისტებისთვის. აქ მუშაობენ ადამიანები განსხვავებული განათლებითა და გამოცდილებით.

თბილისშიც საზოგადოებრივი ტრანსპორტი მნიშვნელოვან დამსაქმებლად რჩება. ავტობუსების მძღოლები, მეტროს ოპერატორები, ტექნიკური პერსონალი, ინჟინრები, მენეჯერები, IT სპეციალისტები და სხვა პროფესიონალები ყოველდღიურად უზრუნველყოფენ ქალაქში ტრანსპორტის გადაადგილებას.



ხელმისაწვდომობა

საზოგადოებრივი ტრანსპორტი ხელმისაწვდომია ყველასთვის – შემოსავლის, ასაკისა თუ სოციალური მდგომარეობის მიუხედავად.

ის ხელმისაწვდომს ხდის ისეთ მნიშვნელოვან სერვისებს, როგორიცაა სკოლები, საავადმყოფოები, სამუშაო ადგილები და საჯარო სერვისები.

კერძო ავტომობილის ფლობასა და შენახვასთან შედარებით, საზოგადოებრივი ტრანსპორტი მნიშვნელოვნად იაფი და ეკონომიურია.

საზოგადოებრივი ტრანსპორტის ქსელი ქალაქს უფრო ინკლუზიურს და ყველასთვის მოსახერხებელს ხდის.

ქალაქში სხოვრების ხანისხი

საზოგადოებრივი ტრანსპორტი ქალაქის სივრცეს ბევრად უფრო ეფექტურად იყენებს, ვიდრე კერძო ავტომობილები. ერთ ავტობუსს შეუძლია ათეულობით ავტომობილი ჩაანაცვლოს, ხოლო მეტრო ერთდროულად ასობით მგზავრს ემსახურება.

ნაკლები ავტომობილი ნიშნავს მეტ სივრცეს მწვანე ზონებისთვის, ფეხით მოსიარულეთათვის და უსაფრთხო საზოგადოებრივი სივრცეებისთვის.

საზოგადოებრივი ტრანსპორტი ხელს უწყობს უფრო კომფორტული, უსაფრთხო და ადამიანზე ორიენტირებული ქალაქის შექმნას.



ჯანმრთელობა და აქტიური სხოვრება

საზოგადოებრივი ტრანსპორტის გამოყენება ხშირად მოიცავს ფეხით სიარულს ან ველოსიპედით გადაადგილებას გაჩერებამდე ან სადგურამდე.

ეს ხელს უწყობს ყოველდღიურ ფიზიკურ აქტივობას და ჯანსაღი ცხოვრების წესის დამკვიდრებას.

აქტიური გადაადგილება ამცირებს მრავალი დაავადების რისკს და აუმჯობესებს როგორც ფიზიკურ, ასევე მენტალურ ჯანმრთელობას.



უსაფრთხოება

საზოგადოებრივი ტრანსპორტი ქალაქში გადაადგილების ერთერთი ყველაზე უსაფრთხო საშუალებაა.

პროფესიონალი მძღოლები, რეგულირებული სისტემა და შესაბამისი ინფრასტრუქტურა უზრუნველყოფს მგზავრთა უსაფრთხო გადაადგილებას.

საზოგადოებრივი ტრანსპორტის გამოყენების ზრდა ხელს უწყობს საგზაო შემთხვევების შემცირებას და ქალაქის ქუჩებში უსაფრთხოების გაუმჯობესებას.



ინოვაცია

საზოგადოებრივი ტრანსპორტი ერთ-ერთი ის სფეროა, რომელმაც წლების განმავლობაში ყველაზე მეტი ახალი ტექნოლოგია დანერგა და პრაქტიკაში გადმოიტანა.

ციფრული ტექნოლოგიების განვითარებამ მგზავრობის დაგეგმვა ბევრად უფრო მარტივი და კომფორტული გახადა. დღეს უკვე შესაძლებელია მარშრუტების დაგეგმვა, ბილეთების შეძენა და ტრანსპორტის მოძრაობის რეალურ დროში შემოწმება პირდაპირ ტელეფონიდან.


თბილისში აქტიურად მიმდინარეობს საზოგადოებრივი ტრანსპორტის მოდერნიზაცია: განახლებული ავტობუსები, ციფრული გადახდის სისტემები და მგზავრებისთვის ინფორმაციის მიწოდების ახალი პლატფორმები.

და რადგან საზოგადოებრივ ტრანსპორტში მგზავრობისას საჭის მართვა არ გიწევთ, ეს დრო შეგიძლიათ გამოიყენოთ ფიჭრისთვის, იდეებისთვის და შესაძლოა ხვალინდელი ინოვაციების შესაქმნელადაც.

ხმაურის ზემოქმედება

ხმაურის დაბინძურების ყველაზე დიდი წყარო კვლავ საგზაო ტრანსპორტია. მუდმივმა ხმაურმა შეიძლება გამოიწვიოს ძილის დარღვევა, არტერიული წნევის მატება და ზოგ შემთხვევაში ნაადრევი სიკვდილი.

რაც უფრო მეტი ადამიანი გამოიყენებს საზოგადოებრივ ტრანსპორტს, გზებზე ავტომობილების რაოდენობა შემცირდება და შესაბამისად, შემცირდება ადამიანებზე ხმაურის ზემოქმედება.



ადამიანების დაკავშირება

საზოგადოებრივი ტრანსპორტი მხოლოდ გადაადგილების საშუალება არ არის – ის საერთო ურბანული სივრცეა, სადაც ქალაქის ყოველდღიური ცხოვრება მიმდინარეობს.

საზოგადოებრივი ტრანსპორტი ერთმანეთთან აკავშირებს ადამიანებს და აერთიანებს საზოგადოებას.



ADVANCING
PUBLIC
TRANSPORT

ტელ: 032 2 72 22 22 | <https://tbilisi.gov.ge/>